

伊犁将军马广奏议

卷之四

聖鑒事竊查伊犁滿蒙操練各營官兵俸餉以及一切雜支各款歷經各前將軍核實裁減歲定額支銀四十萬兩按年奏請估撥在案光緒二十年^{如才}等於無可樽節之中又復剴切開導各營官兵再為減支每年議定銀三十四萬兩奏明請撥旋於光緒三十一年兩次援案奏請均蒙

聖恩敕部議准照章由甘省藩庫撥收分撥具領供支亦在案無如伊犁邊瘠百物價昂俸餉減成在各官兵拮据情形已甚於昔而各省關應協

餉銀不能如數解足舊欠墊款既當設法自還
新欠餉銀又需力籌挪借如才等籌邊之術實屬
寢饋難安茲臣預估光緒三十二年新餉之期
據糧餉處呈請援案仍照上年請撥成數奏撥
銀三十四萬兩以供支放前來已電請陝甘督

臣新疆撫臣會銜彙奏合無仰懇

天恩俯念邊疆要地待餉孔殷

敕部將伊犁三十二年新餉按照減定銀三十四萬
兩之數援案指撥的款如數解到以濟要需除
咨部外所有預估光緒三十二年伊犁餉數緣

由理合恭摺具奏伏乞

皇太后

皇上聖鑒訓示謹

奏光緒三十一年七月初一日出奏十月二十一日接到八月二十八日奉

硃批戶部知道欽此

再查伊犁葉子溝為新疆省城北通伊犁最要門戶距伊犁惠遠城百二十里在塔勒奇山之中兩山夾峙險峻如關自松樹頭至山南出口計程約十八里林木茂密溝水迴環轉運餉糧

馳遞文報以及行旅往來皆由此經過自收還
伊犁以後前將軍金 派員建設橋梁二十六
道開山鑿石以利行人每年冰雪融化水冲橋
塌山圯道梗無不籌款隨時脩理迨新疆改設
行省該處道路劃歸地方官經營光緒十五年
前將軍色楞 因溝道壅塞車馬難行奏請每
年由善後項下動款歲脩經戶部議覆伊犁已
設道府廳縣業經新疆巡撫陸續奏報委員署
理所有地方脩補橋梁等事自應歸該管地方
官查明稟由新疆巡撫奏明辦理一面在於本

地征款項下籌脩不得仍照從前一切動用善

後款項行令新疆巡撫且查明具報部核辦嗣後撫

臣如何咨覆伊犁無案可稽惟歷年並未動款

脩理僅止鎮標派令營勇伐木脩搭橋梁因無

經費未能大脩以致山路愈圯愈形窄狹溝道

愈壅愈覺不通每遇雪消冰化之時山水泛漲

橋梁被冲往來行車延累殊難言狀間有冒險

繞越者傾車淹馬層見叠出聞之尤屬堪憐本

年五月奴才電商撫臣及藩司奏明籌款大脩接

准覆電以款項難籌致未奏辦奴才近在咫尺明

知該處為伊犁緊要險隘路雖劃歸地方官經
管地實居索倫額魯特察哈爾交界之中未便
任其阻梗致令行旅難通商之滿蒙寅僚咸願
公同捐款購辦食羊奶勛鹽茶及開山鐵器當
即電知撫臣調派鎮標中營遊擊陳甲福選派
勇丁入山砍伐木料並調蒙古哈薩克四百名
派令軍標中軍都司王保清管帶並雇木石缺
匠自六月初一日起督同分段興工現經_{如才}輕
騎減從前往復勘其中險阻有應改道開鑿之處
約計三箇月可以歲事需用經費銀六七千兩

已經與各官公同捐助具有端俛即使稍有不足將來由奴才再行捐廉以成此舉斷不敢分釐取之兵民工竣亦不敢仰邀議叙除俟大工告成再行奏報理合附片陳明伏乞

聖鑒謹

奏同日奉

硃批知道了欽此

再查前准新疆撫臣潘效治准兵部議覆撫

臣奏補伊犁鎮屬甯遠營中軍守備負缺請以留新疆先都司雲騎尉王金樞借補一案據兵

部奏稱查該員本係應行引

見人負仰蒙

俞允俟補缺後再行送部是以准其免先赴引即歸
都司班令以之借補守備尚無不合自應准其
以儘先都司借補伊犁鎮屬甯遠營中軍守備
惟查臣部原奏業經聲明俟補缺時即行送部
該撫所請先給劄付俟有差使再行送引之處
碍難照准恭候

命下臣部即行交該撫按照原奏即行送部帶領

引

見後再行給與劄付以昭慎重等語咨令轉飭遵照
前來如才伏查該員王金樞現留伊犁軍標差遣
尚稱得力一時難以驟易生手除俟選擇替人
再將該員送部帶領引

見祇領劄付外所有該員王金樞在伊犁軍標供差
得力辦事需人擬請暫緩送引緣由除咨部外
理合附片陳請伏乞

聖鑒訓示謹

奏同日奉

硃批著照所請兵部知道欽此

奴才馬 跪

奏為恭摺叩謝

天恩仰祈

聖鑒事竊奴才恭閱電鈔於光緒三十一年六月初八

日奉

上諭奎順著留京當差烏里雅蘇台將軍著馬 調

補欽此同日又奉

上諭伊犁將軍著長 補授欽此聞

命自天感愧無地當即恭設香案望

闕叩謝

天恩訖伏念才漢軍世僕知識庸愚四十載荷戈從
軍素鮮經世之略萬餘里督師破虜惟憑勇往
之誠廼蒙

聖主特達殊恩

簡授伊犁疆寄自光緒二十七年護

駕入都叩辭就道到任三載未立寸功茲復仰荷

優容重申調補烏里雅蘇台將軍之

命自顧何人膺茲

寵遇撫躬徇省感激涕零惟有將任內經手事件趕

緊清釐恭候

命下一俟長 到任即行交卸起程馳詣

闕廷面聆

聖訓以盡才依戀之忱所有才叩謝

天恩並請

陞見緣由理合恭摺具陳伏乞

太后

皇上聖鑒訓示謹

奏光緒三十一年十月十五日接到八月二十日

奉

硃批著來見欽此

光緒三十一年七月十一日 專差

軍銜 安摺一份

馬 跪

奏為恭謝

天恩仰祈

聖鑒事竊 接准兵部咨開本部第七次彙奏伊犁

將軍馬 之嫡子馬廣孝等共三十員給予廕

生一摺光緒三十一年三月初五日奉

旨依議欽此計單內開伊犁將軍馬 吉林正白旗

漢軍人長子三子均有職次子早故嫡四子馬

廣孝年十一歲應給予一品廕生等因欽遵咨
行到伊當即恭設香案望

闕叩頭謝

恩訖伏念如才起自戎行迭邀

拔擢既愧官箴忝竊尤慚家學無傳自問疆寄課膺

在如才已逾非分迺承

恩綸迭沛在童子更屬無知現在四子廣孝隨任讀

書如才惟有教以忠誠免其造就以仰副

聖主恩榮後裔之至意除將四子廣孝名字應行更

正緣由咨部辦理外所有如才感激下忱謹繕摺

叩謝

天恩伏乞

太后

皇上聖鑒謹

奏光緒三十一年十一月十五日接到八月二十

日奉

硃批知道了欽此

光緒三十一年七月十一日 專差

再^{如才}自同治元年由吉林原旗奉派出征維時
父母在堂當牽衣泣別之時領移孝作忠之訓